



Alamat : **Bahagian Komunikasi Strategik,  
Aras 18, Blok C,  
Ibu Pejabat  
Suruhanjaya Pencegahan Rasuah Malaysia,  
No. 2, Lebuhraya Wawasan, Presint 7,  
62250 Putrajaya**

Tel. : **03-8870 0015**  
E-mel : [komunikasi@sprm.gov.my](mailto:komunikasi@sprm.gov.my)  
Web : [www.sprm.gov.my](http://www.sprm.gov.my)  
Twitter : [twitter.com/SPRMMalaysia](https://twitter.com/SPRMMalaysia)  
Facebook: [facebook.com/sprm.benci.rasuah](https://facebook.com/sprm.benci.rasuah)  
Youtube : [www.youtube.com/odvmacc](https://www.youtube.com/odvmacc)

# KENYATAAN MEDIA SURUHANJAYA PENCEGAHAN RASUAH MALAYSIA

## HARA 2021 PERINGKAT KEBANGSAAN: SPRM BERKONGSI INISIATIF PENCEGAHAN RASUAH DENGAN KOMUNITI PROFESIONAL EKSPATRIAT DI NEGARA INI

Hari Antirasuah Antarabangsa (HARA) 2021 peringkat kebangsaan yang diraikan hari ini menyasarkan penglibatan komuniti profesional ekspatriat di negara ini dalam usaha memerangi rasuah bersama Suruhanjaya Pencegahan Rasuah Malaysia (SPRM).

Bertemakan '*Your Right, Your Role: Say No To Corruption*', SPRM telah berkongsi mengenai inisiatif-inisiatif berkaitan anti rasuah dilaksanakan oleh kerajaan dan SPRM sejak beberapa tahun kebelakangan ini.

Di peringkat ibu pejabat, SPRM telah mengadakan sesi taklimat dan dialog melibatkan pengurusan tertinggi SPRM dengan ekspatriat perniagaan yang mewakili negara-negara seperti Amerika Syarikat, Kesatuan Eropah (EU), China, Kanada, United Kingdom, Jepun, Korea Selatan, India, Indonesia dan Chinese Taipei.

Program ini turut dijalankan secara serentak oleh SPRM Negeri secara bersemuka dan di atas talian antara SPRM dan warga korporat antarabangsa melibatkan pelbagai sektor industri di beberapa lokasi terpilih yang telah ditetapkan.

Sambutan HARA 2021 diadakan menyusuli pengisytiharan Pertubuhan Bangsa-Bangsa Bersatu (PBB) pada 2003 yang menetapkan 9 Disember setiap tahun sebagai sambutan HARA.

Bersempena dengan sambutan itu juga, Ketua Pesuruhjaya SPRM, Tan Sri Dato' Sri Haji Azam Baki telah menyampaikan amanat beliau tentang kepentingan membanteras rasuah dan penyalahgunaan kuasa ketika menghadiri Majlis Perasmian Sambutan HARA 2021 di Kota Kinabalu, Sabah, hari ini.

Program anjuran bersama SPRM dan Yayasan Anti Rasuah Malaysia (YARM) kali ini mendapat kerjasama dengan penglibatan tiga rakan strategik iaitu Persekutuan Pekilang-Pekilang Malaysia (FMM), Transparency International Malaysia (TI-M) dan Persatuan Pegawai Integriti Bertauliah Malaysia (ACeIO).

## SURUHANJAYA PENCEGAHAN RASUAH MALAYSIA PUTRAJAYA

9 DISEMBER 2021



**Untuk maklumat lanjut, sila hubungi** Pengarah Bahagian Komunikasi Strategik, Kamaruddin M. Ripin (019-6217577) atau Badrila Jamlus (011-62736440)

Suruhanjaya Pencegahan Rasuah Malaysia (SPRM) merupakan sebuah agensi penguatkuasaan yang ditubuhkan melalui pengubalan Akta SPRM 2009 (Akta 694) bagi meningkatkan keberkesanan dan kecekapan dalam usaha pencegahan rasuah di Malaysia serta untuk memperbaiki persepsi kebebasan dan ketelusan dalam pelaksanaan fungsi-fungsi SPRM. SPRM turut disokong oleh mekanisme *check and balance* dalam memastikan SPRM bertindak selaras dengan kehendak perundangan negara dan aspirasi masyarakat. Suruhanjaya ini dahulunya dikenali sebagai Badan Pencegah Rasuah (BPR).